

манское море», на другой группе карт—«море Ледовитое» (m. Glaciale), на третьей группе карт— «море Северное» (m. Septentrionale), на четвертой группе карт— «море Московское» (Mare di Moscoviae); наконец, на одной карте Татарию (Tartaria), изданной в XVIII в., море к западу от Новой Земли обозначено было именем «Mare Septentrionale», а к востоку от Новой Земли— «Mare Ruvisis» — Русское море, к югу от которого простирается территория Samogeda.

### Картографические источники

1) Карта мира (в полушариях), на арм. языке, размер — 120 × 150 см. Амстердам, 1695.

2) Материалы по истории русской картографии. Первая серия, тт. I и II, вторая серия, вып. 1. Карты всей России, северных ее областей и Сибири. Собрал В. Кордт. Киев, 1906.

3) Альбом (собрание) карт-репродукций под общим заглавием Monumenta cartographica на латин. и франц. языках. Париж, 1928.

И. СТЕПАНЯН

## ՄԻ ՆՈՐԱՀԱՅՏ ՆԿԱՐԻ ՄԱՍԻՆ

Վերջին տարիներին հայտնաբերված մեծաբանակ արխիվային նյութերը հնարավորություն են տալիս ավելի ճիշտ բնորոշել XVII դարի երկրորդ կեսի և XVIII դ. առաջին քառորդի հայ ազատագրական շարժման կարկառուն դեմքերից մեկի՝ Իսրայել Օրու գործունեությունը: Շնորհիվ այդ նյութերի մենք հնարավորություն ենք ստանում բոտ արժանվույն գնահատելու բաղադրական այդ նշանավոր գործչի ծառայությունները:

Վերջերս անգլիական արվեստագիտական «Ապոլլո» («Apollo») ամսագրի 1959 թ. հունիս ամսի համարում (№ 412) մեր ուշադրությունը գրավեց Ֆրոլիխ-Բյումի (Fröhlich-Bume) մի հոդվածը, նվիրված XVIII դ. առաջին կեսի խաղաղական խռոչը նկարիչ Ջիովաննի Անտոնիո Պելեգրինիի ստեղծագործությանը և հատկապես նրա նորահայտ նկարներին, որոնք գտնվել են Բենսերբգ ամրոցում և Բավարիայի պատկերների այլ հավաքածուներում, Դրանցից մի քանիսի վերարտադրությունը տրված է ամսագրի վերահիշյալ համարում: Առաջին նկարը կրում է «Հասաստանի դեսպանները ուղևորվում են էլեկտոր Իոհանն-Վիլհելմ Պֆալցի մոտ» («Envoys of Armenia to the Elector Johann Wilhelm von der Pfalz»): Նկարի մեծությունն է 322,5 սմ × 122,5 սմ: Այն գտնվում է Շլայսհայմում (Մյունխեն): Այդ նկարը, մեր կարծիքով, պատմական խռոչը մի կլայական է և դալիս է նոր լույս սփռելու ինչպես Իսրայել Օրու գործունեության, այնպես էլ հայ-գերմանական հարաբերությունների տվյալ շրջանի պատմության վրա:

Նախքան նկարի բովանդակությանն անցնելը, մի քանի խոսք Պելեգրինիի մասին:

Ջիովաննի Անտոնիո Պելեգրինին ծնվել է 1665 թ. ապրիլի 29-ին Վենետիկում: Նրա հայրը ձեռնոցագործ էր և ծագումով Պադուայից էր: Պելեգրինին իր կյանքի մեծ մասը անց է կացրել օտարություն մեջ՝ Անգլիայում, Ֆրանսիայում, Հոլանդիայում, Պրուսիայում և Ավստրիայում: Մեռել է Վենետիկում, 1742 թվականին: Նկարչությունը նա ուսանել է Հռոմում և Վիեննայում նկարիչներ Պազանիի, Լուկա Ջիորգանցիի և Սերաստիանոս Ռիչչի դեկավարությունում: Քիչ րան է հայտնի նկարչի վաղ շրջանի ստեղծագործության մասին: 1700-ական թթ. սկզբին նա դրավում է Վենետիկում անգլիական դեսպան, Մանչեստրի առաջին դուքս Չարլզ Մոնտեգյուի ուշադրությունը: Վերջինս, Անգլիա վերադառնալիս, իր հետ տանում է նաև նկարիչ Պելեգրինին, նկարագրողելու համար Կիմբոլտոնի իր դրվյալը (1708): Անգլիայում Պելեգրինին մնում է 5 տարի և 1713 թ. հեռանում է ախտեղից:

1713—14 թթ. մենք Պելեգրինին դանում ենք Հոլանդիայի Պալատինատում, որտեղ նա պատրաստում է գեկորատիվ բնույթ կրող 14 նկարներ Բենսերբգ ամրոցում, փառաբանելու համար էլեկտոր Իոհանն-Վիլհելմի գործունեությունը: Պատահական չէր Պելեգրինիի հայտնիվելը Պալատինատում 1713—1714 թթ.: Ինչպես հայտնի է, այդ տարիներին վերջ գտավ իսպանական ժառանգության համար մղվող երկարատև պատերազմը, կնքվեցին Ուտրեխտի (1713) և Ռաչտատի (1714) հաշտության

սլաւոնագրերը: Կուրֆյուրստ Իոհանն-Վիլհելմը, բոս Երեւոյթին, բոլոր հիմքերը ունենալով իր կյանքի և գործունեութեան փառաբանման մասին, քանի որ ինքը, լինելով եվրոպայի խոշորագույն և ազդեցիկ իշխաններից մեկը, փոքր դեր չէր խաղացել այդ ժամանակաշրջանի եվրոպական իրադարձութիւնների, ինչպես նաև խաղաղութեան հաստատման մեջ: Եվ, ի թիւս այլ նկարների, Պելեգրինին, կուրֆյուրստի հանձնարարութեամբ, նկարում է Հայաստանի դեսպաններին ներկայացնող պատկերը: Այդ պատկերը առաջին անգամ ցուցադրվել է Մյունխենում, 1958 թ., Ռոկոկո ոճին նվիրված ցուցահանդեսում:

Նկարի բովանդակութիւնը հետևյալն է. նա ներկայացնում է Հայաստանից եկած դեսպաններին, որոնց այցելութեան նպատակն է՝ օգնութիւն խնդրել Լեւոնորից իրենց երկիրը թուրքական լծից ազատագրելու համար: Նրանց առաջնորդում է մի կին, որն իրենից ներկայացնում է խաղաղութիւնը, իսկ աջ կողմում գտնվող կինը ամեն տեսակ օրհնութիւններ և շնորհներ է բաշխում պատերազմներից և անհավատ նվաճողներից արդեն իսկ ազատագրված երկրին:

Ոչ մի կասկած չի կարող լինել, որ նկարում պատկերված «Հայաստանի դեսպանները» կարող էին լինել միայն Իսրայել Օրին և Մինաս վարդապետը:

Քանի որ նկարիչը սույն պատկերը գծել է 1713—14 թթ., ապա նա չէր կարող տեսած լինել ոչ Իսրայել Օրուն, որն արդեն մահացած էր և ոչ էլ Մինաս վարդապետին, որը 1700 թ. հետո Պալատինատում չէր եղել: Այնուհետև ուշադրութիւն է գրավում այն հանգամանքը, որ նկարում պատկերված դեսպանները տարիքավոր են, այն դեպքում, երբ Իսրայել Օրին վերջին անգամ Պալատինատում գտնվելիս եղել է 45—46 տարեկան, իսկ Մինաս վարդապետը՝ 41—42 տարեկան: Հետեւաբար, եթե նույնիսկ Պալատինատում գոյութիւն են ունեցել Օրուն և Մինաս վարդապետի դիմանկարները կամ դրանց էսքիզները, նրանք նկարչին որպես հիմք չեն ծառայել պատկերը գծելու: Այստեղից պետք է եզրակացնել, որ դեսպանների պատկերները սիմվոլիկ են: Նույնպես և սիմվոլիկ են դեսպանների հագուստները: Մակայն և ոչ մի կասկած չի կարող լինել այն մասին, որ նկարիչը ցանկացել է պատկերել Օրուն և Մինաս վարդապետին, քանի որ նրանք են միայն եղել կուրֆյուրստի մոտ եկող հայ դեսպանները: Կասկած չի կարող լինել և այն մասին, որ պատկերված անձերից մոտաւորապէս Մինաս

վարդապետն է, իսկ բեղերովը, որ մոտուր չունի՝ Իսրայել Օրին:

Բայց տարօրինակն այն է, որ նկարում առաջին պլանի վրա դրված է Մինաս վարդապետի պատկերը, իսկ Օրունը՝ միայն երկրորդ պլանի վրա: Այդ է հաստատում նաև այն փաստը, որ առաջին պլանի վրա գտնվող ծերունին կրում է շղթայով պնակ, մի բան, որ հատուկ է միայն հոգևորականներին: Ըստ երեւոյթին, ինչպես կարծում ենք մենք, Պելեգրինին առաջին պլանի վրա տեղագրելով մոտաւորապէս Մինաս վարդապետին, ցանկացել է ավելի շատ արեւելյան կոլորիտ և ավելի պատկառազգու տեսք տալ նկարին՝ դիտողներին ավելի տպավորելու համար: Կարծում ենք, որ տվյալ պատկերը նկարելիս, Պելեգրինին չէր կարող խորհրդակցած չլինել Լեւոնորի հետ՝ դեսպանների անձնավորութեան մասին որոշ անհրաժեշտ տեղեկութիւններ ստանալու համար: Մոտենալով հարցին այդ տեսանկյունից՝ մենք կարծում ենք, որ որոշ չափով տվյալ նկարի մեջ պահպանված և մեզ են հաղորդված Իսրայել Օրուն և Մինաս վարդապետի դիմադոներ:

Սակայն նկարի իրական արժեքը այն է, որ նա գալիս է կրկին անգամ հաստատելու, որ կուրֆյուրստ Իոհանն-Վիլհելմը իսկապես նշանակութիւն է տվել Իսրայել Օրուն առաքելութեանը և նրա մշակած ու ներկայացրած ծրագրին, այնքան մեծ նշանակութիւն, որ հարկ էր տեսնել պատրաստել տալու և իր ամբողջում կախելու հալ դեսպանների առաքելութիւնը պատկերող սույն նկարը: Այս նկարը գալիս է հերթելու հայ պատմագրութեան մեջ ընդհուպ մինչև վերջին ժամանակներս արտահայտված և ոմանց կողմից որդեգրված այն կարծիքը, թե Օրին եղել է մի սովորական արկածախնդիր, իսկ նրա պֆայցյան ծրագիրը՝ բոլորովին երեւակայութեան արդյունք, որը իրականութիւնից շատ հեռու է կանգնած: Այն հանգամանքը, որ կուրֆյուրստը իր կյանքը և գործերը փառաբանել տալիս չէր մոռանում Հայաստանի դեսպաններին և նրանց առաքելութիւնը և անհրաժեշտ էր համարում այն դասել իր հիշարժան գործերի շարքը, նկարին տալիս և առաջնակարգ պատմական փաստաթղթի նշանակութիւն և արժեք:

Կարծում ենք, որ այդ նորագոյտ նկարը հնարավորութիւն կտա ավելի ևս ճշտելու Իսրայել Օրուն դրական քաղաքական դերը և նրա քաղաքական գործունեութեան խոշոր դերը հայ ժողովրդի պատմութեան մեջ:

Վ. ԴԻԼՅԱՆ: